

Injectabile g-strophanthini:

Innihélt 0.5 mg af g-strófantíni í ml, Ph. Dan. 1948.

Inniheldur nú 0.1 mg í ml, Add. 1 — 12 — 1956.

Pasta pyrolei betulae:

Innihélt 1% af birkitjöru, Ph. Dan. 1948.

Inniheldur nú 2%, Add. 1 — 12 — 1953.

Tablettae dicumaroli:

Innihéldu 100 mg af díkúmaróli í töflu, Add. 1950.

Innihalda nú 20 mg í töflu, Add. 1 — 12 — 1953.

Tablettae sulfacombini, Ph. Dan. 1948:

Smávægileg styrkleikabreyting, Add. 1 — 6 — 1956.

156

6. sept.

Þetta er hlutaðeigendum hér með til vitundar gefið til leiðbeiningar.

Heilbrigðismálaráðuneytið, 6. september 1957.

Hannibal Valdimarsson.

Baldur Möller.

REGLUGERÐ

157

6. sept.

um breytingu á hafnarreglugerð fyrir Þórshafnarkauptún nr. 130 12. júlí 1939.

1. gr.

14. gr. hafnarreglugerðarinnar orðist þannig:

- I. Árlegt gjald af bryggjum og öðrum mannvirkjum, sem til eru við höfnina eða gerð kunna að verða, skal ákveðið með sérstökum samningi við málsaðilja.
- II. Af skipum og bátum, sem hafna sig á Þórshafnarhöfn, og farmi þeirra, greiðist:
 - a. Lestagjald: Öll skip, sem mæld eru 5 rúmlestir og þar yfir, skulu greiða í lestagjald 80 aura af hverri nettó rúmlest, í hvert skipti er þau leggjast á Þórshafnarhöfn eða hafa sambandi við land á Þórshöfn, eftir að þau koma frá útlöndum, eða ef um innlend skip er að ræða, þá í fyrsta sinn, er þau leita hafnar á Þórshöfn á árinu. Liggja skipið lengur en 14 daga á höfninni, tvöfaldast gjaldið. Hafni skipið sig oftast en einu sinni á árinu á Þórshafnarhöfn, og hafi á þeim tíma ekki komið til annarra landa, greiðist lestagjaldið ekki að fullu nema í fyrsta skipti og síðar að hálfu. Skip, sem ganga á milli hafna á Íslandi svo og milli Íslands og útlanda, eftir ákveðnum ferðaáætlunum, skulu, þá er þau í fyrsta sinn á árinu koma á Þórshafnarhöfn, greiða lestagjald, en síðar ekki þótt þau hafni sig oftast á sama ári.

Skip, sem heimilisfast er í þorpínu eða stunda útgerð þaðan lengri tíma en 3 mánuði ársins, skulu greiða 5 krónur fyrir hvern opinn vélbát, 10 krónur fyrir hvern þiljaðan vélbát og 10 krónur fyrir hvern uppskipunarbat á ári.
 - b. Vitagjald: Öll skip, sem hafnargjald eiga að greiða og hafna sig á tímabilinu 1. ágúst—14. maí, skulu greiða fyrir vitaljós hafnarinnar 25 krónur, í hvert skipti er þau koma til hafnar á þessu tímabili. Séu skipin meira en 300 rúmlestir greiða þau 50 krónur í hvert skipti. Skip sem heimilisföst eru á Þórshöfn eru undanþegin þessu gjaldi.
 - c. Vörugjald: Af vörum, sem fluttar eru í land á Þórshöfn eða skipað þaðan út, enn fremur vörum, sem fluttar eru á milli skipa í höfninni, skal greiða gjald sem hér segir:

157

6. sept.

1. Gjald kr. 2.00 fyrir hver 100 kg:
Kol, koks, sement, salt saltfiskur, freðfiskur, ísvarinn fiskur, fiski-
mjöl, síldarmjöl, skreið.
 2. Gjald kr. 2.50 fyrir hver 100 kg:
Kornvara, áburður, fóðurbætur, garðávextir, þakjárn, steypustyrktar-
járn, freðkjöt, gærur, húðir, ull, kaðlar, veiðarfæri, eldfastur leir, vegg-
flísar, þakhellur og veggsteinar, fiskumbúðir, þokar, tólg, mör, smjör,
smjörlíki, sykur, hessian.
 3. Gjald kr. 3.00 fyrir hver 100 kg:
Olía og benzín.
 4. Gjald kr. 0.30 fyrir hvert teningsfet:
Timbur.
 5. Gjald kr. 0.60 fyrir hvert teningsfet:
Allar aðrar vörur, sem reiknast eftir rúmmáli.
 6. Gjald kr. 3.50 fyrir hver 100 kg:
Allar aðrar vörur, sem reiknast eftir þyngd, og ekki eru annarstaðar
taldar.
 7. Gjald kr. 3.50 fyrir hver 100 kg:
Vélar og vélahlutar, saumur, gler, málningavörur og efni í þær,
kork, og annað einangrunarefni.
 8. Gjald kr. 10.00 fyrir hvert:
Kindur, stórgripir, loðdýr.
 9. Gjald kr. 3.50 fyrir hverja tunnu:
Síld, hrogn, kjöt, garnir, flutt í tunnum.
 10. Gjald kr. 3.00 fyrir hver 100 kg:
Lýsi og olíur á tunnum.
 11. Gjald kr. 1.00 fyrir hvert:
Tómar tunnur og kútar.
 12. Gjald kr. 0.50 fyrir hvern:
Tómir kassar o. þ. l.
- d. Bryggjugjald: Skip og bátar, sem nota bryggjur hafnarinnar, greiða í
bryggjugjald 25 aura fyrir hverja nettó rúmlest fyrir hvern sólarhring,
sem þau liggja við bryggjur hafnarinnar, þó ekki minna en 10 krónur
fyrir skip eða báta sem mældir eru til lestatals og ekki minna en 5 krónur
fyrir smærri báta.
Bátar heimilisfastir á Þórshöfn skulu greiða 50 aura á sólarhring, þó
ekki yfir 20 krónur á ári.
- e. Skip og bátar, sem leggja afla sinn á land á Þórshöfn, greiða 1% af heildar-
afla skipsins. Heimilt er hafnarnefnd að lækka þetta gjald með sérstökum
samningi.

Reglugerð þess staðfestist hér með samkvæmt lögum nr. 29 23. apríl 1946, um
hafnargerðir og lendingarbætur, til að öðlast þegar gildi og birtist til eftirbreytni
öllum þeim, sem hlut eiga að máli.

Samgöngumálaráðuneytið, 6. september 1957.

Eysteinn Jónsson.

Brynj. Ingólfsson.